

مكة على الأطلال

١٨ نجى سنة

١٥ ربيع الاول ١٣١٥

جزء، عدد : ٦٦



دوه قوشی

معلومزاولان قوشلرڭ اڭ بيوكى دوه قوشيدر. ايكي، ايكي بېق مټرو طولنده وُقرق، اللی كيلو آغرلغنده اولديغی آڭلاشیلنجه جسماتی حقتده بر فکر ایدنش اولور .

باشی طاز وُگوکده سنه کوره اوقا قدر . غاغاسی افقی اوله رق باصیق ، نه پک اوزون وُنده قیصه وُاوجی کوت در. کوزی ایری، قاپاقلری کرپکلی در . بویونلڭ اوزونلغی همان بر مټرودر . باجاقلری تویسنز ، آياق طراقلری پک یوکسک وُآنېق ایکی یارمقلیدر . یارمقلرینڭ ایچ طرفه گلنی ، طیش یانده کیلردن یاری یاری به قیصه وُطراقلیدر .


عضلات صدریه سی پک نارین وُفخذیه سی پک محکم در . قنادرلری پک قیصه ، تویلری زیاده جه یومش اقدر . وُسائر قوشلرده اولدیغی گبی بربری اوزرینه بتیشیک دگلدر . بو سببلرله دوه قوشی اوچه مازسده پک قوشار . عجائب تشریحیه دن اوله رق بو قوش ایله (ناندو) دینلان آمریقا دوه قوشنده انبویه معاینه نڭ نهایتی عادتاً بر حوصله صورتنده تشکیل ایدر وُبورایه سبیدیک طویلانه رق بونلر تبول ایلر . بو حال سائر قوشلرده گورلما مشدر . بو ایکسینده اعضای تناسلیه بیوک چارپا حیوانلر ککته مشاهددر .

اصل دوه قوشی بتون آفریقاده بربری دن امید برونسه قدر منتشر اولدیغی گبی، عربستان قطعه سنده ده بولنیور .

یالڭر اسمی، کندیسنی تعریفه کفایت ایدن بو حیوان، وجودی کندیسنه قیمت

ویرن توپی سببی ایله بولندیغی اقلیماره کوره بر طاقم نوعلرمدده آیریلور. بو اختلافک
بمورطهلرندده بولغشی شایان دقتدر .

الک گوزل توپیلیری سودان و بربریه جنسلرندده بولنیور . انگلیزلرلک جنوبی
آفریقاده بولنره رقابت ایچون کوستردکلری غیرت شایان تحسین اولمقله برابر،
ثمره بخش موفقیت اوله میه جق ظن اولنور .



فرانسزلر بوندن متنبه اوله رق جزایرده دوه قوشلرینک تکثیرینه همت ایتمک
باشلامق اوزره اولدقلرندن بونجه تشبثات واجراآت عمرانییه مهد ظهورر اولان
عهد همایون پادشاهیده بونکده نظر دفته آله یلیسی ملاحظه سیله اق باده بروجه آتی
بر طاقم معلوماتک عرضنه ابتدا ایدرز :

دوه قوشنك اصل یری آفریقا اولدیغندن بونلردن طرابلس غرب و بنگازی ولایتلرنجه ایدیلان استفاده دها زیاده تزیید ایدیله بیلور . ذاتاً عربستانه مخصوص بر نوعی ده بولدیغندن ، اوراجده خلعمر بونکله توغله باشلاسه بر کار قپوسی آچلش اولور .

هله آفریقای عثمانی ده بونك چاره تكثيری پك ممكن اولدینی، و قتيله صحرای کیر و جوارنده فوق العاده کثرتله بولسان بو قوشلرك بینلری روما ایمپراطورلرندن (الیوغال) ك دفتر ضیافتده کمال اهمیتله مقید اولمسندن استدلال ایدیلور .

مشاهیر طبیعیونك اجرا ایلدکلی متعدد سیاحتلرنده کی مشهوداته نظراً دوه قوشلرینك یگانه رزقکاری چکرگدن عبارتدر . هله دوه قوشی باوریلری منحصراً بونلرله تغدی ایدر . صباحلری هنوز یئگی چاتلایان چکرگه چکار ، گجه نك برودتيله طوگمش بر حالدده بولندقلرندن ، بونلر دوه قوشلرینك غاغهلرندن یاقینی کوچ قورتاریرلر . هیچ بر فائده لری اولمسه ده یالگیز شو حاللری بولنسه دوه قوشلرینك آفریقای عثمانی و هله هنددن اوجوب عربستانه و اورادن تا آناطولییه مستولی اولان چکرگه لری اتلاف ایچون اوراده تکثیرلرینه سبب اوله بیلور .

بویله بر تشبث هیچ بر وقته اهالینك اندن کله مز . هر شیده اولدینی کبی بو بابده حکومت سنیه نك دلالت پدرانیه و حیاستکارانه سی الزمدر .

انگلیز و فلمنکلیلره تقلیداً (هوتانتو) و قافرستان اهالیسی بیاضلره دوه قوشی آویخی منع ایتمش و حیوانلری نیم وحشی صورته بسلیمده بولنش اولدقلرندن امید بروننده کی انگلیزلره رقابت ایتمکه بولنشارددر .



بو بابده (دوغلاس) ك (غراهامس تون) جوارنده ایتدیگی تجربه نی ذکر ایتك لازمدر : موسی الیه ۱۸۶۵ سنه سی انه اوچ ییانی دوه قوشی کچیرمش و سکره سکره ابلاغ ایتمشدر . بونلرك حال محبوسیتده بمور طلادیغنی آگلار آگلماز صنعی قوچلقه تجربه لرینه باشلامشدر . اوچ ییل قدر بو تجربه لرك نتیجه سی آز امنیت بخش اولمش ایدی . مؤخر آ گوزل بر قوچلقه آلتی ، پك گوزل موفقیتسه باعث

اولدی . اون سنه دن آز بر مدتده ۱۱ دوه قوشی طقوز یوزه وارمش و بونلرده امید بروننده دوه قوشی یتشدرلمسی فکرینک قوۋدن فعله چیقمنسه سبب اولمشدر . امید بروننده دوه قوشی یتشدرلمسی تشبثی ۱۸۶۵ ده اوله رق ، اجرا ایدیلان تحریرده عددلری ۸۰ کوسترلش ایکن ، اون ییل صگره ۲۳،۲۴۷ یه بالغ اولمشدر . ۱۸۸۸ ده ایسه ۱۵۲۴۴۵ دوه قوشی صایلمشدر . ۱۸۸۹ سنه سی قحط و قوراق کچدیگندن ۱۴۹،۶۸۴ دوه قوشی یازلمشدر .

بوگون بونلرک موجودی بلکه ۲۵۰۰۰۰۰ عددینه وارمشدر .

هرنه قدر دوه قوشی تویی مؤده و سفاهته مربوط ایسه ده ، شمیدیکی حالده اهمیت تجاریه سی گوزدن دوشورمک ممکن دکلدر . خصوصیه دوت بیک ییلدن بری تزینانده قوللانلیغی حساب ایدیلورسه ، مؤده سنک قولای قولای کچمیه جگنه عقل ایردریلور . فراغت مصریه نک باشاری دوه قوشی تویی ایله مزین اولدیغی تاریخ روایت ایدیور : بوگون ایسه بتون کبار نسوانک مدار زینتی اولمشدر .

۱۸۷۹ دن ۱۸۸۸ تاریخنه قدر (قاپ) مستمر سنک دوه قوشی اخراجاتی بر میلیون کیلوغرامدن آشاغی دکلدر . بوندن صگره ایسه مقدار اخراجات ، قوشلرک مقدار ترایدیه متناسباً آرتوب کیتمشدر .

دوه قوشی توبینک بویه کایته حصولی ، تجارتیه سکتیه ویرمسی مأمولدر . فقط صنایعده بوکا دیگر بر محل استهلاک بولمسی ده احتمال داخلنده دکلدر ؟ بالنسبه حصوله کلان اوجوزلق ارباب صنعتک نظر دقتی جلب ایله بشقه برشی اعمالده استعماله سبب اوله بیلور . نته کیم وقتیه دوه قوشی توبیلرینک فاسی «سدان چوخه سی» دیه بر چوخه یه قلب ایدایگی کبی ، شایقه اعمالنده ده قوللانیلور ایدی . دیگر طرفندن ده فای توی استحصالی قاپ حکومتجه منع ایدلمشدر .

بر دوه قوشی ییلده آنجق الک ایو جنسندن بر (لیوره) وزننده توی ویرمه بیه . جگندن ، اگر بونکله قناعت لازم کلورسه استفاده آز اولقی ایجاب ایدر : چونکه لیوره سی (قاپ طاون) ده ۳۰۰ فرانقندن زیاده ایتیمور . بنه علیه آشاغی جنسلره بر محل استهلاک بولمیدر .

امید برونی دوه قوشی تویی اخراجات و نقلیاتنه دائر نشر ایدیلان جدوللره
 کوره ۱۸۷۹ سنهسی ۹۶،۵۸۲ لیبره (بهره لیبره ۴۵۳ غرامدر) محصوله مقابل
 ۶۵۵۷۶۶ انگلیز لیراسی آلتش و محصولک ترقیسیله پارهجه حاصلات ۱۸۸۲ یه
 قدر آرتمشدر. بوسنده، یعنی ۱۸۸۲ ده ۲۵۳۹۵۴ لیبره محصوله مقابل ۱،۰۹۳،۹۸۹
 انگلیز لیراسی الیه ایدلشد. دهها صکره لری محصول آرتدجه قیمت دوشه رک،
 ۱۸۸۸ سنهسی ۲۵۹۹۶۷ لیبره ننگ فیثاتی ۳۴۷۷۹۲ انگلیز لیراسی طومشد. .
 خلاصه ۱۸۷۹ دن ۱۸۸۸ سالنه قدر مجموع حاصلات ۲،۲۵۶،۲۵۴ لیبره، یعنی
 ۱،۰۲۲،۰۸۳ کیلو غرام اوله رق، مجموعندن ۷،۲۹۰،۳۶۴ انگلیز لیراسی پاره آلتشد.
 بو حسابده (ترانسوال) و (اوراتر) حکومتلری ایله آفریقا زنجیرینک
 محصولاتی داخل دگلدر. حال بوکه بونارده شایان اهمیت مقدارده دوه قوشی تویی
 حاصل ایدر. ناتالده (دوربان) شهبندر وکیلنک راپورینه نظر آ ۱۸۸۹ سنهسی
 یالکزر ناتالده ۳،۴۶۳،۷۹۵ فرانقلق قوش تویی حاصلاتی آلتشد.

۱۸۷۱ سنهسی بر دوه قوشی پلیچی بش انگلیز لیراسنه، برقاج آیلغی سکر،
 اون ایرایه، کله ایرمشی ۵۰ لیرایه صاتیلورایکن، ۱۸۸۱-۸۲ حاصلات ویرن برچفت
 دوه قوشی ۲۵۰ انگلیز لیراسنه صاتلغه باشلامش و بوندن صکره ۱۸۸۳ ده قرق،
 اللی لیرایه ۱۸۸۹ ده ایسه هنوز قوچلقه یه یاتیمان برچفت

دوه قوشی ۴ دن ۵

درت یاشنده کی ۳ دن ۴

ایکی، اوچ یاشنده کی ۲ دن ۳

بر، ایکی یاشده کی ۱ دن ۲

انگلیز لیراسنه صاتیلور اولمشدر. بر آیلقدن اوچ آیلغه قدر اولان یاوریلر ایسه
 ۶ فراق یگر می بش ساتیمدن ۹ فراق ۲۵ ساتیمه قدر صاتلغه باشلامشد.

شمعی شو ایستاستیق معلوماتی اکمال ایچون طرابلسدن بنگازی طریقیه
 وقوعه کلان اخراجات ده علاوه ایتلی بز. طرابلس غرب اخراجاتی ۱۸۸۵-۹۰
 وسطی اوله رق آلتی ییلده ۱۸۱۰۰۰ فرانغه بالغ اولیور.

فاس حکومتك اڭ مهم بندر تجارتی اولان (موغادور) لیمانك اخراجاتی
۱۸۶۵ دن ۱۸۷۴ ده قدر جمعاً ۵۰۷,۰۰۰ فرانك ایدی .

انگلیتره حکومتی هنوز قاب مستعمره سی دوه قوشلرندن استفاده ایدمه مامکده
ایکن ۱۸۸۱ سنه سی (بونفوس آرس) و (مونت ویده و) ایچون برقاچ دوه قوشی
گوندریله ییش و صکرده اوسترالیا، یکی زلاند و موریس آطه سنه اخراجات وقوعه
باشلامش اولدیغندن، بهر قوشدن ۲۵۰۰ فرانك و بهر یورطه دن ۱۲۵ اخراجات
مهرکی استیفا اولمغه باشلامشدرکه، یو واردات ۱۸۸۳ دن بری دوام ایدوب کیدیور .
یوقاروده صایدیغز یرلرده دوه قوشی پک اعلا یتشدیگی ۱۸۸۹ یازس سرکیسنده
ثابت اوله رق، مصرک مطریه و جزایر کیکی اوقدر مظهر تقدیر اوله مامشدر .
مع مافیه مصرلیار بو تشبده حالا ثابت ایدیورلر .

*

دوه قوشی یالکزلقدن و کنیش یرلردن خوشلانور . باجاقلرنده کی قوت کندیسنه
پک اوزاق مسافله رگیمکه مساعد اولدیغندن، بسلیمه سی ایچون کنیش و گورلیسنر
یر لازم . بونی انگلیزلر آکلامش و بویله یرده بولمشدر .

طرابلسک فزان سنجاغی جوارنده دوه قوشلری بسلیمه ک مساعد پک چوق
یرلر بولنه بیله جکی گبی، یمن، بغداد، سوریه، حلب، آطنه و لایتلرنده بسلیمه لری
ممکندر ظن ایدیور .

بورالرده صالحه اوله رق دوه قوشی بسلیمک قابل اوله جغدن، مملکت ایچون
آچیقندن بر استفاده قبوسی آچیش اوله جقدر . شو صورتله تربیه ایدیلان دوه
قوشلری تمایله اهلیشهرک قویون، دوه سوریه سی گبی سوریلرله محال مناسبه
سوق ایله چکدرملری ممکندر .

دوه قوشندن بردرلو استفاده دهها ممکندر . بوده کندیسنک رکوبه و حتی
آراهه چکیمه قابلیتلی اولمیسدر .

سیاحیندن هوگلین ایله برهم، کاربانلرنده بولان آت و دوه لر آره سنده دوه قوشلرینه
یشش اولدقلری حالده شرقی آفریقایی طولاشدیلر؛ قوشلر کالیله سربست اوله رق
کردکاری یرده نفقه لرینی تدارک ایدر کیدرلردی . اسومالی سیاحلرینک کافه سی،

محال مسکونه ده بستیون سربست بر اقلش و یا خود سائر اهلی حیوانلرله یا بایله
چیقارلمش دوه قوشی سوریلرینه راست گئیشلردر . ادوار مور ، موش ، هولوب
سربست دوه قوشلرله جنوبی آفریقائی طولاشمشلردر .



دوه قوشی آکل الکل حیوانلردندر . گوزلری پک زیاده قوتلی اولدیغندن .
هر کوردیگنی معدیه آتار . قازگی بشلنگی پک سسور . چایر وقتی پک بسیلی
اولور . دوه قوشلری هر دلو حشراتی ده بر . کرتشکله ، عقرب ، چکر که گبی مضر
حیوانلری اکل ایدر . معدسی او قدر قوتلی ، کندیسی او قدر اشتها لدر که ابوجهل
قارپوزنی عادتاً تکفور طاعی قارپوزی گبی بر . حیوانات سائر فضلاتی شویله
طورسون کندیگنکسکی ده براقاز . هله شو فها حال یاوریلرنده پک زیاده در .

آغیلده بسیلانلان دوه قوشلری آریه . چایر ، لخنه ، پانجار گبی شیلره آیشور .
حتی آفریقا و سوریه ده چوقچه بولان صباریه ده (فرنک اینجیری) سور ، فقط
دیکنلرینی چیقارمی استر . قوقوروز ایسه اڭ گوزل غداسیدر .

سربست براقیلان دوه قوشلری هر کون چکر که بر . آغیلرده بسیلانلری
یمورلر سده اولدرمه دن اولسون و از کیم یورلر . اوحالده چکر که یه تحریرص ایچون یعنی
کستلیدر . دوه قوشلرینک شو حالی بسلنه سیچون بر سبب دیگر تشکیل ایده بیلور .
دوه قوشی چاقل طاشی گبی سرد شیلری ده معدیه ایندیرر . بو طاشلر عادتاً
معدسند دیش خدمتی کوردکارندن اشتها سنک آرتسنه خدمت ایدر . حیوان
بو طاشلری بوزما زسه سوء هضمه دوچار و نیجه موده کرتار اولور . (۸)

(۸) بوندن اوتوز بش قرق سنه اول سلطان احمد میدانده سربست گزر ایکی دوه
قوشی وار ایدی که بونلر عربی حاجی عارف آغا مرحومک ایدی . گونک برنده قوشک
بری اولمکه بعضی غلله دواى مجرب اولان یاغنی آلمی ایچون معدسینی یاردقلری زمان
قائال قائال استیف اولمش قرمزى بر بونک قوشاق میدانده چیمشدر که هضم ایده مدیگی
ایچون سبب موتی اولمشدر .

بو قوشاق مرحوم مشار الیهک اتباعندن برینک اوله رق قبل الحاحه چیقارمش و سکره
بوله میجه سرت ایدلر گنه حکم ایش ایش . بوندن بشقه فقط غایت ایشلش و فوق العاده
چلا پیدا ایش بر بیوک قیو اختاری ظهور ایشدر . دیمک که تمجوری اریده ییش فقط بیوک
اریده مامش . (لطایع)

دوه قوشی زیاده صو ایچر ، کونده کندیسنه ۱۰ لیتره قدر صو لازمدر .
 بو احتیاج یاز ایچونددر . یشیل اوت ییدگی زمان آزالور . بو قوشك طهارتده
 رعایتی وار . بیقائمق استر . یازلری (سومالی) سواخلندکی صیغ یرلرده
 بویونلرینه قدر صویه گیردکلری کوریلوردری .

غربی آفریقا ده دخی دوه قوشلری صویه گیرر . بونی فاس اهلایسی فرصت
 صایه رق حیوانلری اوراده صیغشدریوب طوتارلر .

صو بوله مدقلری یرلرده بوتدییر صحیی . طاوقلرگی ، قوملره بولانه رق ایفا
 ایدرلر . بوندن تویلری اوزیلوب قردیغندن تجارتجه زیان واردر .



شمدیکی حالده یالکز تویندن طولانی کسب اهمیت ایدن دوه قوشنك یمورطه
 واتی قابل اکل اولدیغندن، یتشدیرلمسندکی مقصد بو یوله تحویل ایدیله مزمی ؟

وقتیله فرانسه زراعت نظارتنه تقدیم ایدیلان بر راپورده دوه قوشی « قصابلق
 قوش » دیه توصیف ایدلمش ایدی . حقیقه اتی صیغر درجه سنده اوله رق آت
 ودوه اتنه فائقدر . تازمسی کنج اوکوز اتی منظره سنده . یشتمشی منظره ، قوقو ،
 لذت جھتیله صیغره مشاهددر . شو فرقی وارکه زیاده گورده وچاقق یشیگنددر .
 دریمی قالین ایسده پک نازک اولوب هندیدن فرقلی دکلدر . آزییشیریلان
 فیله توسی صیغر آسندن براز قویورنکلی ، هر حالده بارگیرکسکندن لذتلی اولیورمش .
 اورقوباده آت اتی خیلی مقدارده صرف ایدلدیگی حسابیه قاتیلور وبونك آکا فائق
 اولدینی دوشونیلورسه بوده آریجه بر تجارت دیمکدر .

اقوردقان ده دوه قوشی پالازی بسیلنوب یسندیگنی « هوگلبن » سیاحتنامه سنده بیان
 ایدبور . اقوام قدیمدن چوغنك بو حیوانله متعیش اولدینی روایات تاریخیه ایله ثابتدر .
 بوقوملرک مصرک اوتنه سنده ، حبشستانده ساکن اولدینی اسکی تاریخلرده مصر حددر .



دوه قوشی ییلده یگرمی بش اوتوز یمورطه یمورطالار . بعضاً ۴۵ وحتی ۵۰
 اولدینی ده واردر . بر اتی یمورطه نك ایچنده ۲۵۰ غرام صاری و ۱۰۰۰ وحتی
 ۱۱۰۰ غرام ده مایع زلال بولنیور .

بومورطه لرك لذتی پك اعلا ایسه ده قایغانه ، چیلبر و سائرہ یاییله جفی زمان
آقك درتده برینی آیرماید . چونكه آقی صاریسنه نظر آ زیاده در .

بهر چفت دوه قوشنك وسطی اوله رق ۳۵ مورتده ۱۰۰ طوق مورتده سنه معادل ۲۰
ی قوچلقه به تخصیص ایدلیدیگی صورتده ۱۰۰ طوق مورتده سنه معادل ۲۰
مورتده صرفیاته قالور . هله بونلرك بوش قوقلری جوامع شریفه تزیینی و سائرہ
ایچون خیلی بها ایستدکارندن بوده بر تمتع دیمکدر . برده قوچلقه به قونان ۱۵
مورتده دن اونی جیو جیو اولسه ، بر ییل صکره ۲۵ دن ۳۰ کیلویه قدر ات حاصل
ایدر . بونلرك اتی هندی به معادل اولدیغندن ، بهر کیلوسی برر فرانقه صائیله بیلور .
بوندن حاصل اولان مبلغه توی حاصلاتی علاوه ایدیلورسه هیچ اولمازسه بر چفت
قوش بر ییلده ۵۰۰ فرانق حاصلات ویرر .

دوه قوشی یاغی آفریقا عربلرنجه اسباب سفاهتدن معدود اولدیغی ایچون
وقتیله کیلوسی بر ییچ ایکی فرانق ایدر ایدی . بویاغ تازه و طوزلی اوله رق صائیله
و سادہ یاغ ایله زیتون یاغی مقامنده یمکدرده قوللانیلور . عربلر بونی طبدده قوللانیلور .
دوه قوشلری تازه اوت و تازه حشرات موسمنده یاورى یتشدیرمك اوزره بقای
نسله خادم افعالده بولنورلر . فقط بونلر وحشی حیوانلرك كافه سنده اولدیغی گبی
بوفعلی انزوا کاهلرده اجرا اتمك استدکارندن ، اوزمانلرده بونلری اور کوتماایدر .
کندیلرینی سر بست بر حالده بولنیور ظننده بولندرمایدر ، اطرافده کی هر درلو
گوراتی بی موجب شیلری دفع ایتمایدر .

بر بریه دوه قوشلرینك مورتده قوقلری دوز و تازه فیل دیشی رنکنده در .
صومالی و جنوبی آفریقا ننگیکلرایسه بونلردن دها آرقالینق و اوافاقلقدہ اولوب بسبتون
بؤرؤزایدر . بؤ بؤرؤزه سبب ایچری به حرارتك نفوذنی تسهیل ایله چابوجق
قیرلملرینه خدمت اولمق اولمایدر .



دوه قوشلری بروجه آتی برلرده بولنور :

۱ — سوریه و حلب چولی قوشلرینك «حلب توی» ده وقتیلہ مشهور اولان

تویلردر که بوگون همان نسلی منقرض اولدیغندن مفقود حکمه گیرمکده در .

بو توپلر قرون وسطیده پک مشهور و مقبول اوله رق ، شوالیه لرك شایقه لرینی
تزیینده قوللانیلور ایدی . اسویچر مده کی (بال) شهر ی بلدییه دارمسنده بر شوالیه
قفاسی رسمی اوزرنده منقوش بولسان بونوعدن ۲۴ توی حقیقه غقله حیرت
ویره جک بر ظرافتده در . شوالیه لرك سرغوج محافظه سنده کی غیرت مشهوره لری
بونلرك پک قیمتدار اولملرندن ایلری گلور . صحیحاً او زمان حلب قوش توپلرینه
ویریلان پاره نك مقدار ی اینالییه جق قدر چوقدر .

۲ — شرقی آفریقا توپلری که شاب دگری سواحلیك مختلف نقطه لرنده ،
مصر ، حبش ، غلالا ، سومالی ، و قاهره جوارنده کی مطریه یازقنده بولور .

۳ — دارفور ، قردفان ، وادی ده اولدجه چوقدر . بونلر قسماً اهلیش مشدر .
یابانیلردن الك گوزل توی آنور . هله قاره توپلر غایت بارلاق و صاغلام اولدقلرندن
مقبولدر . بوتوپلرك خواص ممتازده سی اصل توی دینه جک یرلرینك قوتلی ، گنیش ،
بارلاق اولمسیدر .

۴ — بورنو ، دار مغو ، آیر ، سنفال ، حانوسا قوشلریدر . پک چوقلری اهلیدر .
آفریقانك بوقسمنده یابانیسی پک آزالدی . توپلری اوچخیلردن آشاغیدر .

۵ — جنوبی آفریقا قوشلری . بونلرك توپلری اورتیه حالده در .
بزه بر تمثیل وارد که بوککا اینانیلورسه دوه قوشی نه اوچق و نه ده یوک
گوتورمک استر . واقعا بوقوش اوچجاز ، فقط پک قاجار . کیسه یوک گوتورمک
استه من ، لکن یوکلدر لر . لسانمزده کی اسمی ذاتاً بونك اوچییه جغنی اشراب ایدرسه ده
یوک طاشی به ییله جگنی عادتاً اثبات ایلر . (۱)

دوه قوشنك ینك اوله رق استخدای یگی برشی دگل ، روما ایمپراطورلرینك
بونلری آت میدانلرنده قوشدر دقلری تاریخچه مضبوطدر . روما کبار قادیسلری

(۱) یومثل (عذر نامه) دن انتقال ایش اولسنه نظراً ترکرك دگل ، عربك امانلنددر .
ومعلومدر که عربیده دوه قوشنه نعامه دینور . گویا منشاء مثل شودر : دوه قوشنه اوچسکا
دیمشکر . آباقلرینی گوسترمش که مرای قوش اولدیغنی افهام ایش . اوله ایسه یوک طاشی
دیمشکر قادلرینی گوسترمش که دوه اولدیغنی ایما ایش . بناء علیه تکلیف اولنان خدمتله دره
اظهار تمایل ایدلر . قنده ضرب اولتور . لطایع

آت میدانلرینه دوه قوشلرینه راکباً کلورلردی. استرمیسگرکه برگون اولوسید ایلله
دوه قوشلری یاریشه چیقسونلرده بوما کنلرله غلبه ایتسونلر؟ مؤرخ اوویسکوس ائک
قولله گوره قدیم مصر امراسندن بری جسم بر دوه قوشنه بینر و صانکه او چیورگی
گورینوردی. (پوزانیاس) قله نوپاتاردن بر از اول مصر ملکه سی اولان (آرسینه نوآنک
دوه قوشنه یلغش اولدیفی حاده (هلیسون) هیکانی رکر ایتدیردیگنی حکایه ایدر.
فرانسه تجارت جغرافیاسی جمعی ریسی موسیو (موران) چو جلق آرقداشی
اولان (کویه) نئک حیوانات باغچه سنده کی دوه قوشنی یلغکه آلدیرمغه صاواشدیفنی
حکایه ایدر. جنرال (دوما) خدمتده بولان بر عربک، کندوسنه ایچرولرده
یرلرک یوریلان چو جقلری بر دوه قوشی اوستنه قویدقلری و اوده چو جنی
آلوب چادره قدر گوتوردیگی حقنده کی روایتی نقل ایلر.

جنرال لافروآ دوبوا ۱۸۷۲ سنه سی جنوبی جزایرده قوماندانلق ایتکده ایکن
کندوسنه بر دیشی دوه قوشی هدیه ایلدش ایدی. بو قوشی بر عرب آوجیسی
عادتا بر قوشوم اویدر برق آرقه سندن سوق ایلله (اوراغلا) دن قسطنطینه و اورادن
(بون) ه نقل ایلش و صکره بارسه قدر بو صورتله گوتورمشدی. بویله آرقه دن
سوردرک ایجابنده ایتهرک حیوانک سوقی خاطرلره بونی عربیه قوشمه نی گتورمش،
اوگوندن اعتباراً (بولون) اورماننده عربیه چکمه گه باشلامشدر. دیشیلری دها حلیم
اولدقاریچون بو ایشه قولای آلیشور.

ایشته دوه قوشنک گوره جگی خدمت و حصوله کتیره جگی منفعت بوندن عبارت
اولوب، فرانسلر جزایرده اهلیشدیرهرک تکثیرینه چالشمقده اولدقارندن، بزجده
بویله بر استفاده به تشبث مستلزم منفعت اولور ظنده یز.

نجیب عاصم

